


Balor natural y historico Tunnel di awa Mangel Cora Wells den peliger di destruccin

ORANJESTAD (AAN): Fundacion Accion Ambiental ta muestra cu e tunnel di awa Mangel Cora Wells na peliger di por wordo destrui si e proyecto di hotel sigui. Pesey nan ta urgi gobierno di Aruba pa stop e proyecto aki di hotel ariba e baranca.

Na Argentina y otro partinan di mundo tin mescos. Esun di Aruba ta mas grandi y bunita. Tunnel di Awa Mangel Cora Well ta nos tesoro natural y historico unico den e tres islanan ABC. Tristo cu DNM Directie Natuur en Milieu no ta mira e balor y importancia na e area aki di e baranca na unda kier traha e hotel anto pa colmo e area yama mangel cora well esta mangrove cora cu mester




ta proteha pa ley.

Dia 26 di Juli 2019 tabata Dia Mundial di Mangrove pesey unda cu kier bin traha hotel full e area ariba e baranca y tambe pazuid di e baranca y Baby Beach full tin mangrove no por construi nada ta area preserva e ta y lo keda natuurgebied dor di e mangrovenan, cuebanan y tunnel di awa ta un sitio di conservacion.

Den e mapa di Sasaki

Plan ta poni bon cla cu e area ey ta Preserva esta Preserva. Exigencianan di UNEP y UNESCO esta di Nacionnan Uni ta poni bon cla pa uza espacionan cu a yega di wordo uza caba of a wordo desaroya na sitionan, areanan of espacio nobo y cu tin balornan natural, historico y cultural. Pesey Fundacion Accion Ambiental ta contra pasobra no a duna participacion na Accion



Ambiental y te cu awe no a atende cu e 130 zienswijzenan na unda Accion Ambiental tambe ta forma parti di dje y cu Accion Ambiental ta contra di e ROP NOBO 2019 pasobra no a cumpli cu e exigencianan. A core pasa e ROP pa e hotel por bin, esey nan ta condena totalmente.

ROP mester tuma su tempo pa trahe bon y no un ROP traha pura pa duna opcion pa un hotel bin ariba baranca y cu esaki ta Preserva, e fundacion a indica.

